

Phaeoptilum spinosa (bougainvillea familie)

E: brittle-thorn A: brosdoring D: Bougainvilleabusch H: otjinanguruve



So gesien, lyk *Phaeoptilum spinosum* die mooiste, en dit is altyd in laat lente en vroeë somer, d.w.s. in November.

Feitlik in die hele land kom dit voor, behalwe in die droë Namib en die hele noordoostelike deel van die land, dis die hoë-reënval-area.

Eintlik kan daar nie veel van hierdie plant uit die

Bougainvillea familie

(*Nyctaginaceae*) gesê word nie,

behalwe dat dit in blomme- en vrugtekleed verruklik mooi is. Die

struik

kan tot 2 m hoog en 3 m in deursnee

word. Die takke is stokkerig en krapperig. As jy takke vol vrugte

vir die blompot wil breek, sal jy dit waarskynlik nie sonder bloederige krapmerke kan gebeur die. Die takpunte is skerp. Kleinvee vreet die blomme en jong groei met blare as die ander kos skaars is.



So lyk dit in volle blom.,



so lyk dit in blomtyd na 'n swak reënseisoen

Voordat die vruggies na pienk verkleur, lyk hulle eers groengeel en verkleur dan oor so 'n vuilgeel na pienk. Interessant is, dat baie van die struik se vruggies nie na pienk verkleur nie, maar gelerig bly.



Een enkele blom



vol blomme en een saad



pienk saad

Ander spesies uit die *Bougainvillea* familie is die tuin-bougainvillea wat ons almal ken, die baie ongewilde tuin-onkruid *Boerhavia coccinea* (dis die ene met die baie klein magenta blommetjies en die groen taai saadjies, wat in beenhare en/of sokkies vaskleef) en *Sericorema sericea* (ek noem dit somer grasblommetjie, die plant lyk amper soos gras en staan tussen gras, net die blommetjies is anders)



Tuin bougainvillea



Boerhavia coccinea



Sericorema sericea

‘n Mens kan amper nie dink, hierdie vier plantspesies, wat uiterlik **so baie verskil**, behoort aan dieselfde familie nie!

Oor medisinale en/of ander gebruike het ek niks gekry nie. Dit sal altans tog baie mooi lyk in ‘n rotstuin, al is dit net in die lente.

Inligtingsbronne: Wildflowers of the Central Highlands of Namibia (Coleen Mannheimer)
Roux and Müller’s Field Guide to the TREES & SHRUBS of Namibia (Revised and expanded by Coleen Mannheimer and Barbara Curtis)

Le

www.kyffhauser.co.za/flora

Fotos van *Phaeoptilum spinosa* met pienk vleuelvruiggies: Udo Kleyenstueber (Danke!)

Teks en res fotos: Anka Eichhoff

November 2018